



Samstarfssamningur

Landspítala

og

Geðheilsumiðstöðvar



um

sérnám í barna- og unglingageðlækningum

Samningur milli Landspítala, kt. **500300-2130**, Skaftahlíð 24, 105 Reykjavík og
Geðheilsumiðstöðvar barna, kt, 521005-0760, Vegmúla 3, 108 Reykjavík, um sérnám í
barna- og unglingageðlækningum

1. gr.

Gildissvið

Samningur þessi tekur til samstarfs samningsaðila og lýsir umgjörð og framkvæmd þess vegna sérnáms í barna og unglingageðlækningum.

2. gr.

Markmið og grundvöllur samnings

Samningur þessi er liður í frekari uppbyggingu sérnáms í barna- og unglingageðlækningum en um sérnám í öllum greinum læknisfræði gildir reglugerð um menntun, réttindi og skyldur lækna og skilyrði til að hljóta almennt lækningaleyfi og sérfræðileyfi nr. 856/2023. Sérnám fer fram samkvæmt marklýsingu hvernar einstakrar greinar og á þeim deildum Landspítala og GMB sem samþykktar hafa verið af mats- og hæfisnefnd, sem starfar á forræði heilbrigðisráðuneytis. Stofnanir skuldbinda sig til samhæfingar varðandi gæði náms og framkvæmd þess.

3. gr.

Umsjón og framkvæmd

- 3.1 Yfirumsjón með allri umsýslu og framkvæmd þessa samnings á Landspítala er í höndum yfirlæknis sérnáms á Landspítala. Yfirumsjón með allri umsýslu á GMB og framkvæmd þessa samnings er á höndum forstöðumanns og yfirlæknis á GMB. Kennslustjóri ber ábyrgð á framkvæmd sérnáms í samvinnu við forstöðumenn eininga beggja stofnana í samræmi við gildandi starfslýsingu kennslustjóra sérnáms í læknisfræði (viðauki 1). Tryggt skal að á hvorum stað starfi í það minnsta einn meðlimur kennsluráðs hvernar þeirrar greinar þar sem sérnám fer fram á báðum stöðum.
- 3.2 Mælst er til þess að sérnámslæknum bjóðist að jafnaði að starfa í 3-6 mánuði á GMB í samræmi við samþykktir mats- og hæfisnefndar.
- 3.3 Þess skal gætt að framkvæmd taki til allra þátta sérnáms í barna- og unglingageðlækningum og marklýsingar hennar á öllum námsstöðum. Hér er átt

við skipulag handleiðslukerfis, matskerfis, notkun skráningarkerfis, kennsluprógramms og mats á framgangi.

4. gr.

Ráðningarferli, ráðningasamningur og kjör sérnámslækna

- 4.1 Lausar stöður sérnámslækna eru auglýstar tvisvar á ári á vegum Landspítala. Að undangengnu stöðluðu ráðningarferli í samræmi við handbók um mannauðsmál og sérnám lækna á Landspítala (viðauki 3) er gerður tímabundinn ráðningarsamningur við Landspítala. Þegar sérnámslæknir hefur störf á GMB fer hann í launalaust leyfi frá Landspítala eða tímabundið minnkað starfshlutfall og gerður er tímabundinn ráðningasamningur við GMB.
- 4.2 Leitast skal við að skipulag og tímasetning námsstaða skuli liggja fyrir ekki síðar en þremur mánuðum fyrir upphaf starfa.
- 4.3 Sérnámslæknir þiggur laun og önnur réttindi samkvæmt gildandi kjarasamningi Læknafélags Íslands og fjármála- og efnahagsráðherra f.h. ríkissjóðs. Almenn ákvæði kjarasamninga og laga um réttindi og skyldur starfsmanna ríkisins gilda á meðan á ráðningarsambandi við sérnámslækni stendur. Landspítali greiðir laun og kostnað fyrir þann tíma sem sérnámslæknir starfar þar og GMB laun og kostnað fyrir þann tíma sem sérnámslæknar starfa þar. Hvor vinnustaður greiðir ferðakostnað og námskeiðsgjöld vegna námsferða samkvæmt 8. kafla kjarasamnings en fjarvistir því samfara eru leystar innan þess vinnustaðar sem sérnámslæknir starfar á þegar ferðin er farin. Leitast skal við að gæta jafnræðis við veitingu slíkra leyfa miðað við lengd námsdvalar á hvorum stað, þannig að ekki halli á annan vinnustaðinn í heildina.
- Áunnin frí eru gerð upp á þeim vinnustað þar sem til þeirra er stofnað. Þegar sérnámslæknir sem ráðinn hefur verið í sérnámsstöðu á forræði Landspítala hefur störf á GMB fer hann í launalaust leyfi frá Landspítala en heldur áunnum réttindum þar.

5. gr.

Ábyrgð og skyldur samstarfsaðila

- 5.1 Við undirritun samstarfssamnings þessa skuldbinda samstarfsaðilar sig til að:
- 5.1.1 Greiða laun og annan launatengdan kostnað sem tekur til þess tíma sem sérnámslæknir er í vinnu á viðkomandi vinnustað.

- 5.1.2 Tryggja í sameiningu að hver og einn sérnámslæknir hafi nafngreindan sérnámshandleiðara.
- 5.1.3 Hver og einn sérnámslæknir hafi nafngreindan klínískan handleiðara fyrir hverja starfsstöð.
- 5.1.4 Tryggja að allir klínískir handleiðarar og sérnámshandleiðarar hafi lokið viðeigandi handleiðsluþjálfun.
- 5.1.5 Tryggja að sérnámslæknar hafi viðeigandi tækifæri til að uppfylla hæfnikröfur marklýsingar fyrir þann tíma sem sérnámslæknir starfar á viðkomandi vinnustað og í samvinnu fyrir sérnám í heild.
- 5.1.6 Tryggja að sérnámslæknar hafi viðeigandi aðgang að ráðgjafar- og stuðningsteymi og heilsuvernd eins og við á ef upp koma vandamál.
- 5.1.7 Tryggja að sérnámslæknar hafi tækifæri til að taka þátt í þeirri kennslu sem skipulögð er innan hvernar greinar, eins og krafa er gerð um í marklýsingu og framgangskröfum.
- 5.1.8 Taka þátt í gæðaúttektum á sérnámi í samræmi við reglugerð nr. 856/2023 um sérnám lækna.
- 5.1.9 Tryggja aðgengi að búnaði til notkunar viðeigandi skráningarkerfi sérnáms (e. Portfolio, önnur rafræn skráning eða á pappírsformi).
- 5.1.10 Taka viðeigandi þátt í öðrum kostnaði sem fylgir sérnámi lækna á viðkomandi sviði, svo sem hlutfallslega þátttöku í kostnaði við alþjóðlegt samstarf. Þetta skal gert samkvæmt samkomulagi kennslustjóra greina og ábyrgðaraðila sérnáms á Landspítala og GMB. Kostnaður skal gerður upp í lok hvers námsárs (fyrir 31. ágúst ár hvert).

6. gr.

Uppsögn samnings

Ef vanefndir verða á samstarfssamningi þessum og/eða ágreiningur verður um efndir samningsins, skulu aðilar leitast við að jafna ágreininginn og ná fram sáttum, ella er hvorum aðila heimilt að segja upp samstarfssamningi þessum með tólf mánaða fyrirvara.

7. gr.

Grein: Gildistími og endurskoðun

Samkomulag þetta gildir frá og með 1. september 2025 og til með 30. ágúst 2029 og skal þá endurskoðast.

F.h. Landspítala

F.h. Geðheilsumiðstöðvar

Tómas Þór Ágústsson
framkvæmdastjóri lækninga

Nanna Sigríður Kristinsdóttir
framkvæmdastjóri lækninga

Undirritunarsíða

Samningur Landspítala og Geðheilsumiðstö...¹⁾
Nanna Sigríður Kristinsdóttir

Samningur Landspítala og Geðheilsumiðstö...²⁾
Tómas Þór Ágústsson

1) Samningur Landspítala og Geðheilsumiðstöðvar

2) Samningur Landspítala og Geðheilsumiðstöðvar